

Շոգովուրդ

80
(2930)

14 հունիսի ուրբաթ 2024
տպագրության ԺԳ տարի

Ք. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆԱԽԱԳԱՀՈՒԹՅՈՒՆ, ԹԵ՞ ԺԱՄԱՆՑ...



Հյուրախաղերով կամ աշխատանքային այցով Հայաստանում գտնվող ՀՀ Նախագահ Վահագն Խաչատրյանը Նախագահում է գրեթե 2 տարի:

2 տարվա ընթացքում ՀՀ Նախագահի «գոյության ծայրը» հազվագյուտ է լսվել:

Հունիսի 12-ին Բաղրամյան-Ղեմիրճյան խաչմերուկում ցուցարարների վրա կիրառված անթույլատրելի տեսակի ուժնակ՝ այդ թվում եւ բեկորային, փորձ արվեց «ցրելու» «Տավուշը հանուն հայրենիքի» շարժման մասնակիցներին, եւ ընդամենը մեկ օր անց միայն լսվեց ՀՀ Նախագահի ծայրը, այն էլ՝ կրկին ոչ հուսադրող բովանդակությամբ:

«Ոստիկանները ստիպված են եղել ուժ կիրառել. մենք զգուշացրել ենք՝ զերծ մնալուց ավելորդ լարվածությունից, իշխանության ներկայացուցիչների նկատմամբ օրինազանցություն մի՛ արեք, բայց իրենց պահվածքն այլ էր: Այսօրվա միտինգի կազմակերպիչներն այլ տրամաբանության մեջ են աշխատում: Իրենց չի բավարարում, որ երկրում վիճակը խաղաղ է», - ասել է Խաչատրյանը:

Հայաստանում «Ժամանակ անցկացնող» Նախագահը 2023 թվականի 12 ամիսների ընթացքում ստացել է 15 մլն 794 հազար դրամ աշխատանքի վարձատրություն ՀՀ Նախագահի աշխատակազմից:

Վահագն Խաչատրյանը հայտարարագրել է 4 անշարժ գույք՝ 2 հողամաս, 1 ավտոտնակ եւ 1 բնակարան բազմաբնակարան շենքում:

Անշարժ գույքերից 2 հողամասը Խաչատրյանը ժառանգություն է ստացել 2017 թվականին, մեկը Կոտայքի մարզի Ջորաղբյուր գյուղում, մյուսը Արաբկիր վարչական շրջանում:

ՀՀ Նախագահին պատկանող տունը եւ ավտոտնակը գտնվում են Երևանի Կենտրոն վարչական շրջանում. այս գույքերն էլ Նախագահը նվիրատվություն է ստացել 2002 թվականին:

Նախագահը տրանսպորտային միջոցներ չի հայտարարագրել:

Նրա բանկային հաշիվների մաքուր դրամները կազմում են 40 մլն դրամ եւ 1 հազար 200 դոլար, կանխիկ դրամական միջոցները կազմում են 1 մլն 200 հազար դրամ եւ 18 հազար դոլար:

«Ժողովուրդ» օրաթերթի տեղեկություններով՝ «Քաղաքացիական պայմանագիր» կուսակցությունը, Նիկոլ Փաշինյանի գլխավորությամբ, քաղաքական ժողով կանխ: Կուսակցության քաղաքական ժողովի օրը Նախնական որոշված է հունիսի 22-ը, իսկ ժողովի անցկացման տեղի հետ կապված դեռ վերջնական որոշում չկա: Սովորաբար, դրանք տեղի են ունենում Երևանից դուրս: ԶՊ քաղաքական ժողովը կտեղի 2 օր: Սա թվով 4-րդ քաղաքական ժողովն է կուսակցության. Նախորդը տեղի էր ունեցել Գյումրիում՝ անցյալ տարվա դեկտեմբերին: Նշենք, որ ԶՊ քաղաքական ժողովները տեղի են ունենում տարին 2 անգամ: Դրանց պարտադիր մասնակցում են ԶՊ վարչության անդամները, պատգամավորները, լինում են նաեւ հրավիրյալներ, իսկ օրակարգը հաստատում է վարչությունը:



«Ժողովուրդ» օրաթերթի իշխանական աղբյուրները փոխանցում են, որ Նիկոլ Փաշինյանին թիմակիցները ներկայացրել են, թե ընդդիմությանն արդեն «իրենց տեղն են դրել», իսկ սրբազան պայքարն արդեն «վերջնակետին» է հասել: Ըստ մեր աղբյուրների՝ իշխանության ներսում շատ մտահոգված են եղել հունիսի 12-ի հավաքով, որը հանգուցալուծվեց բախումով, վիրավորներով ու ձերբակալություններով, բայց իրավապահներին հաջողվել է հասնել ցանկալի նպատակին: Ըստ մեր տեղեկությունների՝ իշխանությունների համար այլեւս վտանգներ չկան, քանի որ արդեն «կոտրել են» շարժման ողնաշարը, իսկ Բագրատ սրբազանն արդեն հուսալքված է, քանի որ, ըստ նրանց, հանրապետությունը չի ցանկանում բիրտ ուժի մասնակիցը դառնալ: Մենք տեղեկացանք նաեւ, որ հայրենի իշխանության ներկայացուցիչներն արդեն պլանավորում են, թե ինչպես են անցկացնելու իրենց ամառային արձակուրդները տարբեր երկրներում. հայրենի Նախարարները հերթով արձակուրդի կմեկնեն, իսկ օրենսդիր մարմինն արդեն ավարտում է իր ևս-տաշրջանը: Գուցե արտահերթ նիստեր լինեն, բայց դա չի խանգարի իշխանության անդամներին իրենց արձակուրդը վայելելու համար: Կարելի է ասել, իշխանությունը փորձում է անցնել իր բնականոն կյանքին, նաեւ հանրապետությանը ցույց տալու համար, որ իրենց մոտ ամեն բան կարգին է, իսկ Սրբազանի առաջանորդած շարժումն իրենց չի մտահոգում:



Երեկ իրավապահ համակարգին հրահանգված է եղել ուժեղացված հսկողություն սահմանել բոլորին հայտնի Կոնդի Սուրբ Հովհաննես Սկրտիչ եկեղեցում, որտեղ կայացել է քրեական հեղինակություն Սերգեյ Գրիգորյանի՝ «Ֆազի» հոգեհանգիստը: Իրավապահ համակարգը քրեական հետախուզության ողջ կազմով եկեղեցին շրջափակված ու հսկողության տակ է առած եղել: Այս ամենի պատճառներից մեկն այն է, որ սպանությունից անցել է 3 օր եւ այն բացահայտված չէ: ArmLur.am-ը գրել էր, որ երեկվա դրությամբ, ըստ Նախնական վարկածի, Սերգեյ Գրիգորյանին կյանքից զրկել են վարձու մարդասպաններ, որոնք եղել են երկու հոգի: Նրանք գտնվել են OPEL մակնիշի ավտոմեքենայի մեջ, որը, ինչպես արդեն նշել էինք, գողացված է եղել: Ի դեպ, հայտնել էինք, որ Սերգեյ Գրիգորյանի գործով 2 տարի առաջ կալանավորվել էր դատավոր Արուսյակ Ալեքսանյանը: Բանն այն է, որ 2022 թվականին Կենտրոնի դատարանում միջադեպ էր եղել, ու միջադեպի «հերոսներն» էին կրիմինալ աշխարհում հայտնի Ռուստամ Ստեփանյանը՝ «Չաղ Ռուստամ» մականվամբ եւ Սերգեյ Գրիգորյանը՝ «Ֆազ» մականվամբ: Միջադեպը տեղի էր ունեցել Կենտրոն եւ Նորք-Մարաշ շրջանների ընդհանուր իրավա-սության դատարանի բակում: «Ֆազի» եւ «Չաղ Ռուստամի» կողմնակիցներն իրար ծեծել էին: Ծեծկռուքին միջամտել էին ոստիկանության աշխատակիցները, որից հետո «Ֆազը» դիմել էր փախուստի, իսկ «Չաղ Ռուստամը» ավելի ուշ ներկայացել էր ոստիկանություն: Քրեական գործ հարուցվեց, սակայն Ռուստամին չկալանավորեցին, իսկ Սերգեյ Գրիգորյանը կալանավորվեց. ավելի ուշ դատավոր Արուսյակ Ալեքսանյանը նրան ազատ արձակեց՝ 2,5 միլիոն գրավի դիմաց: Իրավապահները դատավորի քայլը համարել էին ապօրինի, եւ Ալեքսանյանը կալանավորվել էր: Ներկայումս դատավորն ազատության մեջ է, սակայն դատարանում քննությունը պաշտոնական լիազորությունների չարաշահման գործով դեռ շարունակվում է: Հավելենք, որ «Ֆազի» սպանության գործով այս պահին բազմաթիվ վարկածներ են քննվում, այդ թվում՝ «Չաղ Ռուստամի» հետ նրա հարաբերությունները:



ՔԱՂԱՔԱԿԱՆ

ԶՐՈՒՅՑ

«ԵԹԵ ՉԿԱՆԻՄԱՆ, ԿԵՐԿԵՎԵՐ ՄԱՐՏԻ 1-Ը» ԿՅՈՒՐԵՂՅԱՆ

ArmLur.am-ը Բաղրամյան դոկտորային կատարած բախումների մասին գրուցել է «Հայաստան» խմբակցության դասգամավոր Արմենուհի Կյուրեղյանի հետ:

Տիկին Կյուրեղյան, հունիսի 12-ին Ազգային ժողովի հարցուպատասխան էր Նիկոլ Փաշինյանի և կառավարության հետ, դրան զուգահեռ այստեղ՝ Բաղրամյան և Դեմիրճյան խաչմերուկներում, բիրտ ուժ կիրառվեց ցուցարարների, շարժման աջակիցների, մասնակիցների նկատմամբ, և օգտագործվեցին նույնիսկ լուսաձայնային նռնակներ: Դուք՝ որպես Ազգային ժողովի ընդդիմադիր պատգամավոր, ինչպե՞ս կմեկնաբանեք այն քայլերը, որոնք կիրառեց իշխանությունը ցուցարարների նկատմամբ, որի արդյունքում 90 եւ ավելի քաղաքացի, վերջին տվյալներով, վիրավոր են և դիմել են բուժօգնություն ստանալու համար:



«Մենք Փաշինյանը նման հայտարարություն արեց՝ ի պատասխան իմ հարցին եւ գործընկերներինս մեկնաբանություններին: Իբրեւ թե, ոստիկանությունը գործում է օրենքի շրջանակում, եւ եթե հանկարծ վաղը պարզվի, որ մի բան այն չէ՝ «մենք քննություն կիրականացնենք, եւ ովքեր մեղավոր կլինեն, կպատժվեն»: Նա, սակայն, նախապես արդեն ուղերձը հղել էր. սա, հստակ, վարչապետի կողմից արված հրահանգ էր ներքին գործերի նախարարին կամ ԱԾՄ պետին, որպեսզի ամեն գնով ցուցարարների այս ցասումը դիմադրության առնի, թեկուզ բիրտ ուժի կիրառումով:

Մեկի ձեռքի դաստակն ամպուտացված է եւ վիրահատել էին: Վիրավորների կադրերը կան՝ ինչպես է մարդկանց գլխից արյուն հոսում, վնասված ձեռքերի, ոտքերի, մարմնի վնասված այլ մասերի կադրեր՝ նույնպես. իսկ Փաշինյանն ասում է՝ այդպիսի բան չկա, սուտ եք խոսում:

Փաստացի, վարչապետն իր հայտարարություններով ապացուցեց, որ «Մարտի 1»-ի իրականացումը ինքն էր: Նա մարտի 1-ին ասում էր. «սիրտս փառավորում է, երբ ցուցարարները հարվածում են», երեկ էլ իր սիրտը փառավորվում էր, երբ ցուցարարներին էն հարվածում:

Տիկին Կյուրեղյան, կարո՞ղ էր «Մարտի 1» կրկնվել հունիսի 12-ին, եթե ժամանակին չկանխվեին բախումները:

«Եթե Բագրատ Սիբազանի փոխարեն լիներ մեկ ուրիշը՝ Նիկոլ Փաշինյանի նման մեկը, հաստատ կլիներ «Մարտի 1», եւ դեռ մի բան էլ ավելի լուրջ:

Զրուցեց ՀԱՍՍ ՄԻՔԱՅԵԼՅԱՆԸ



ՔՊ-ԱԿԱՆԻ ՀԱՅՏԱՐԱՐԱԳՐԻ ՀԵՏՔԵՐՈՎ



Ազգային ժողովի «Քաղաքացիական պայմանագիր» խմբակցության պատգամավոր Կարեն Սարուխանյանը պաշտոնին նշանակվել է 2022 թվականի հունիսի 6-ին՝ «Քաղաքացիական պայմանագիր» կուսակցության համապետական ընտրական ցուցակով:

Կարեն Սարուխանյանը հայտարարագրել է 6 անշարժ գույք՝ 6 հողամաս, որոնք ձեռք է բերել 2016 թվականին Շիրակի մարզի Աջոցք համայնքում, բոլորը՝ բաժնային սեփականությամբ:

Սարուխանյանն այս տարի որել է գույք չի հայտարարագրել, սակայն 2022 թվականի գույքի, եկամուտների, ծախսերի եւ շահերի հայտարարագրի համաձայն՝ ԱԺ պատգամավորը սույն թվականին ձեռք բերված Գյումրիում գտնվող եւ միանձնյա սեփականությամբ իրեն պատկանող հասարակական նշանակության շինությունը նույն տարում նվիրատվությամբ փոխանցել է կնոջը:

Կարեն Սարուխանյանի՝ 2022 թվականի հայտարարագրում առկա տվյալների համաձայն՝ նա ունեցել է անհատական բնակելի տուն եւ ավտոտնակ Գյումրիում, սակայն այս տարվա հայտարարագրում այս անշարժ գույքերի մասին խոսք չկա:

Նրա բնակային հաշիվների մնացորդները կազմել են 600 հազար դրամ, կանխիկ դրամական միջոցները՝ 4 մլն դրամ, հաշվետու տարվա եկամուտները՝ 11 մլն 554 հազար դրամ:

Եկամուտներից 9 մլն 847 հազար դրամը աշխատանքի վարձատրություն է 33 Ազգային ժողովի աշխատակազմից, իսկ մյուս մասը՝ 930 հազար դրամը եւ 2 հազար դոլարը վարկեր են 33 բանկերից:

Պատգամավորի ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 17 մլն 625 հազար դրամ:

Հիշեցնենք, որ հունիսի 12-ին՝ Ազգային ժողովում 2023 թվականի բյուջեի քննարկման եւ Նիկոլ Փաշինյանի հարցուպատասխանի ընթացքում ստեղծված լարված իրավիճակի արդյունքում բռնկված վեճի ժամանակ, հարվածեց ԱԺ «Հայաստան» խմբակցության պատգամավոր Սեյրան Օհանյանին եւ բորբոքեց կռիվը:

Հիշեցնենք, նաեւ, որ Կարեն Սարուխանյանն այն պատգամավորն է, որը, ըստ շրջանառվող տեղեկությունների, ոչ սթափ վիճակում՝ պակտիկ ազդեցության տակ, իրեն պատկանող ավտոմեքենայով բախվել է բեռնատարի:

ՀՐԱՅՆԱԳՎԱԾ ԲԱՅՆԵՐ

ՇՏԱՊ ԲՈՒԺՕԳՆՈՒԹՅՈՒՆՆ ՈՒՇԱՅՈՒՄՈՎ ԷՐ ՀԱՄՆՈՒՄ

ArmLur.am-ը երեկ հայտնել էր, որ Բաղրամյան դոկտորային սեղի ունեցած իրադարձությունների հետևանքով սուժել են մահել «Հաղթանակ» կուսակցության նախագահ, ֆաղաֆային դրամավորող Վիկտոր Մնացականյանը, որը ոսկերի սարքեր ասիճանի վնասվածքներ էր ստացել, սուժել էր մահել կուսակցության ֆաղախրհրդի անդամ Արման Ավետիսյանը, որը ոսկի ծանր վիրավորում էր ստացել:



Էին, ինչու էին հարյուրավոր մարդիկ մարմնական վնասվածքներ ստացել:

Ոստիկանները լուսաձայնային նռնակները պլաստմասե շշերի մեջ էին դրել, որ ճնշումից շիջը պայթի ու մարդկանց ոչ խոր վնասվածք հասցնի:

Նաեւ նշեմ, որ նռնակները հենց հավաքված քաղաքացիների մեջ էին գցում», - պատմում է նա:

Վիկտոր Մնացականյանը նաեւ ուշադրություն է հրավիրում մի հանգամանքի.

«Շտապ օգնության կենտրոնական կայանը հավաքից ընդամենը մի քանի մետր հեռավորության վրա է, բայց 20-25 րոպե ուշացումով էին տեղ հասնում:

Ես, երբ Պռոշյան-Բաղրամյան պողոտայում մոտեցա պարեկներին, 10 րոպե խնդրում, համոզում էի, որ շտապ բուժօգնություն կանչեին:

Մի մասն ասում էր՝ դա իրենց գործը չէ, մի մասն էլ՝ որ արդեն կանչել են, մի քանիսն էլ մոտենում էիր, որ բան խնդրեիր, շրջվում, մեջքով էին կանգնում կարծես իրենց թշնամին լինեինք:

Կինում էր նաեւ, որ մի մեքենայով մի քանի հիվանդ էին տեղափոխում:

Պետք է խիստ նկատողություն հայտարարվի եւ ծառայողական քննություն՝ այս դեպքերի մասով:

Իմ աչքով տեսել եմ, այն պահին, երբ հարյուրավոր քաղաքացիներ օգնության կարիք ունեին, շտապօգնություն գլխավոր կայանի մոտ 30-ից ավելի մեքենաներ էին կանգնած, պարեկներն էլ հրաժարվում էին շտապօգնություն կանչել, երբ դիմում ես՝ չեն էլ խոսում հետո. սա ոչ պրոֆեսիոնալության մասին է խոսում», - մեզ հետ զրույցում պատմեց Վիկտոր Մնացականյանը:

ՔՐԻՍՏԻՆԱ ՍՈՒՇԵՂՅԱՆ

ԻՐԱՎԻՃԱԿ

ԲԱՐԴ ԶԱՐԱԲԵՐՈՒԹՅՈՒՆՆԵՐ

ԱՍԱՅ, ՈՐ ԷԼ ԵՐԲԵՔ ՉԻ ՄԵԿՆԻ ԲԵԼԱՌՈՒՄ

Խոսելով Հայաստանի եւ ՀԱՊԿ բարդ հարաբերությունների մասին՝ վարչապետը հիշեցրել է Բելառուսի նախագահի հայցնի սկանդալային հայտարարությունը.



մասնակցել էր Եվրասիական միջկառավարական խորհրդի հերթական նիստին:

Բացի այս պաշտոնական այցից՝ Փաշինյան-Լուկաշենկո հանդիպումներ եղել են 2018 թվականին Տաշիկստանի մայրաքաղաք Դուշանբեում՝ ԱՊՀ մասնակից պետությունների ղեկավարների խորհրդի հերթական նիստին, 2018 թվականի վերջին Հավաքական անվտանգության պայմանագրի կազմակերպության Հավաքական անվտանգության խորհրդի նիստին, Սանկտ Պետերբուրգում՝ Հայաստանի Հանրապետության գլխավոր հյուպատոսության նոր շենքի բացման արարողությանը, 2019 թվականին Մոսկվայում՝ Եվրասիական միջկառավարական խորհրդի հերթական նիստին, Բիշքեկում՝ ՀԱՊԿ հավաքական անվտանգության խորհրդի նիստին, Մոսկվայում՝ «Բորիս Ելցինի» անվան նախագահական գրադարանում մասնակցել է Բարձրագույն Եվրասիական տնտեսական խորհրդի հերթական նիստին, Ալմաթիում՝ Եվրասիական միջկառավարական խորհրդի հերթական նիստին եւ այսպես շարունակ: Փաշինյանի նման կոպիտ հայտարարություններին զուգահեռ՝ Բելառուսում ՀՀ

ղեսպան Ռազմիկ Խումարյանը կանչվել է Երեւան՝ խորհրդակցությունների:

Հստակ պատճառ, թե ինչու Հայաստանի ղեկավար Սիլվո Փաշինյանը կտրուկ փորձում է խզել կապերը Բելառուսի ղեկավարության հետ եւս հայտնի չէ: Ըստ քաղաքագետների՝ դա արվում է հայ-ռուսական հարաբերությունների վատացման ֆոնին զուգահեռ, քանի որ հարաբերությունները խզվում են նաեւ ՀԱՊԿ-ի հետ, ըստ այդմ՝ հարաբերությունները աստիճանաբար լարվում են նաեւ անդամ այլ երկրների նկատմամբ եւս: Կարելի է հստակ արձանագրել, որ պատերազմից 4 տարի անց Բելառուսի հայտարարությունները այսօր հիշելն առնվազն պատճառաբանություն է, իսկ հարաբերության խզման արմատներն այլ ուղղություն ունեն:

Հարցական է, թե ինչպես սատարվեց, որ Սիլվո Փաշինյանը պատերազմական հանցագործությունը, որն իրականացվել էր ադրբեջանաթուրքական տանդեմի նախաձեռնությամբ, կարողացավ ներել եւ մեկնեց Թուրքիա՝ Անկարա, նախագահ Ռեջեփ Էրդողանի երդմանակալության արարողությանը. իսկ Բելառուսի նախագահին այդպես էլ ներել չկարողացավ: ԷՄԱՍ ՄԻՔԱՅԵԼՅԱՆ

ՀԱՅԱՍՏԱՆԻ ԳԻՐՔՈՐՈՇՈՒՄԸ ՀԱՊԿ-Ի ՎԵՐԱԲԵՐՅԱԼ

Ռուսաստանը կշարունակի աշխատանքը Հայաստանի հետ՝ Երեւանի դիրքորոշումը ՀԱՊԿ-ի վերաբերյալ պարզելու համար, հուսով ենք, որ երկրների փոխհարաբերությունները կշարունակվեն գործընկերության եւ դաշնակցայնության հունով: Այս մասին հայտնել է ՌԴ նախագահի մամուլի քարտուղար Դմիտրի Պեսկովը, տեղեկացնում է «ՌԻԱ Նովոստի»-ն:

«Ինչ վերաբերում է Հայաստանին, մենք կշարունակենք աշխատանքը մեր հայ բարեկամների հետ, մենք կպարզենք նրանց դիրքորոշումը, իհարկե, հուսով ենք, որ ցանկացած պարագայում կպահպանենք գործընկերային եւ դաշնակցային հարաբերությունները», - ասել է Պեսկովը՝ Հայաստանի վարչապետ Սիլվո Փաշինյանի հայտարարությանը (կապված ՀԱՊԿ-ից Հայաստանի դուրս գալու հետ) ի պատասխան: Պեսկովը նշել է, որ սրանում հաստատ շահագրգռված է Հայաստանը:

«Յուրաքանչյուր երկիր ինքն է որոշում իր առաջնահերթությունները: Մեր առաջնահերթությունները լավ հասկանալի են, մենք հետեւողականորեն պաշտպանում ենք դրանք, եւ այդ գերակայությունները անվտանգության, հավաքական անվտանգության ոլորտում մեզ հետ կիսում են (ՀԱՊԿ) անդամ երկրները», - ասել է ՌԴ նախագահի մամուլի քարտուղարը:

ԲՈՒԺՕԳՆՈՒԹՅԱՆ ԳԻՄԱԾ ԸՆԿՐԱԲԱՅՐՆԵՐ

Հունիսի 12-ին Բաղրամյան-Դեմիրճյան փողոցների խաչմերուկում «Տավուշը հանուն հայրենիքի» շարժման կազմակերպած բողոքի զանգվածային ակցիայի ընթացքում ոստիկանության կողմից կիրառվեցին հատուկ միջոցներ՝ լուսաձայնային նռնակներ, որի հետեւանքով վնասվել են տասնյակ ցուցարարներ, զանգվածային լրատվական միջոցների (ԶԼՄ) ներկայացուցիչներ՝ լրագրողներ, օպերատորներ, ոստիկաններ:

Առողջապահության նախարարությունը հայտնում է, որ տեղի ունեցած իրադարձությունների հետեւանքով բուժօգնության է դիմել 101 քաղաքացիական անձ եւ ոստիկան:

Ներքին գործերի նախարարությունից ArmLur.am-ին հայտնեցին, որ տուժած վիրավորների թիվը 18 է: Բոլորը բուժօգնություն են ստացել եւ դուրս գրվել:

Ուղիանուր անհրաժեշտ բուժօգնություն ստանալուց հետո՝ դուրս են գրվել 85 հոգի:

Մյուս 16 անձինք ստանում են անհրաժեշտ բուժօգնություն: Ունեն թեթեւ եւ միջին ծանրության վնասվածքներ:

Հիշեցնենք, որ հունիսի 12-ին՝ նույն բախումների ժամանակ, տուժել է ArmLur.am-ի օպերատորը, ում ոտքի վնասվածքով տեղափոխել էին հիվանդանոց. այնուհետեւ համապատասխան ստուգումներ անցնելուց հետո նա դուրս էր գրվել:

ՈՏԵՂԱԳՈՒԹՅՈՒՆՆԵՐ

ԼՈՒՍԱԶԱՅՆԱՅԻՆ ՆՈՒՆԱԿՆԵՐ, ՄԱՐԴԿԱՆՑ ԱՌԵՎԱՆԳՈՒՄ

Հունիսի 12-ին «Տավուշը հանուն հայրենիքի» շարժումը հերթական ակցիայի էր իրականացնում Բաղրամյան-Դեմիրճյան խաչմերուկում: Իրավիճակը հսկողության սակ էին դառնում ներքին գործերի նախարարության ենթակայության սակ զսնվող ուժային բոլոր կառույցները:

Ուժեղացված հսկողություն էր իրականացվում Ազգային ժողովի բոլոր մուտքերի մոտ, Դեմիրճյան փողոց էին բերվել նաեւ Տավուշի, Կոտայքի, Արագածոտնի մարզերի պարեկային ծառայության ջրկատները:

Ակցիային զուգահեռ՝ Ազգային ժողովում ընթանում էր 2023 թվականի բյուջեի ընկալումը, եւ վարչապետ Սիլվո Փաշինյանի հարցուպատասխանը:

Իրավիճակը լարված էր նաեւ Ազգային ժողովում. պատգամավորների վեճին զուգահեռ հնչեցին պայթյուններ, որոնք լավեցին անգամ ԱԺ դահլիճում:

Ավելի ուշ պարզ դարձավ, որ ՆԳՆ գործերը կիրառել են լուսաձայնային նռնակներ:

«Ժողովուրդ» օրաթերթին հայտնի դարձավ, որ Բաղրամյան պողոտայում

«Տավուշը հանուն հայրենիքի» շարժման մասնակիցների վրա ոստիկանները կիրառել են երկու հատուկ միջոցներ՝ «Ջարյա-2» նռնակը եւ «Ջարյա-3»՝ հատուկ կոպիտ նռնակը:

«Ժողովուրդ» օրաթերթին հայտնի դարձավ, որ 2018 թվականի հեղափոխության ժամանակ ՀՀ առողջապահության նախարարությունը թույլ չի տվել ոստիկանությանը քաղաքացիների վրա կիրառել «Ջարյա 3» հատուկ նռնակը, մինչդեռ հատուկ ջոկատայինները այն կիրառել են: Ուստի հարց է առաջանում ՀՀ առողջապահության նախարարությունից եղել է թույլտվություն, թե՛ ոչ:

Մինչեւ այս գործողությունները ԱԾՆ-ն հայտարարություն էր տարածել. «ՀՀ ազգային անվտանգության ծառայությունը սահմանադրական կարգի պահպանման իր գործառնայի շրջանակում հորդորում է՝ 2024 թվականի ապրիլի 4-ից սկիզբ առած «Տավուշը հանուն հայրենիքի» շարժման աջակիցներին պահպանել օրինականությունը եւ չտոնձգել իրավակարգի դեմ: Հաշվի առնելով ազգային անվտանգության ծառայության՝ սահմանադրական կարգը ցանկացած ոտնձգությունից պահպանելու առաքելությունը՝

վերահաստատում ենք, որ ոչ իրավաչափ ցանկացած վարքագիծ չէզոքացվելու է օրենքով սահմանված ողջ գործիքակազմի կիրառմամբ»:

Բախումների ընթացքում ամենազվել էր Սուրեն Պետրոսյանը: Ականատեսների վկայությամբ՝ քաղաքացիական հագուստով 4 անձ նրան տարել են անհայտ ուղղությամբ: Մինչեւ այս ժամը Սուրեն Պետրոսյանից որեւէ լուր չկա:

Բախումների ընթացքում վնասվել են բուժօգնության են դիմել 98 քաղաքացիական անձ եւ ոստիկան: 66 հոգի, անհրաժեշտ բուժօգնություն ստանալուց հետո, դուրս է գրվել: 32 պացիենտ շարունակում է բուժօգնություն ստանալ:

Բուժօգնության դիմած անձինք ստացել են տարբեր աստիճանի վնասվածքներ՝ թեթեւ, ծանր, միջին ծանրության: Քաղաքացիներից մեկի ձեռքը դաստակից ամպուտացվել է:

Բախումների ընթացքում բերման է ենթարկվել 98 քաղաքացի:

Բախումներից հետո Բագրատ Սրբազանի առաջնորդած երթը քայլեց դեպի Կառավարության շենք:

Է. ՄԻՔԱՅԵԼՅԱՆ

ԻՐԱՎԱԿԱՆ

«ՖԱՉ»-Ի ՍՊԱՆՈՒԹՅԱՆ ՀԵՏՔԵՐՈՎ

ԿՅԱՆՔԻՑ ԶՐԿՈՂՆԵՐԸ ԵՐԿՈՒՄՆ ԵՆ ԵՂԵԼ

2 or է անցել ֆրեական հեղինակություն Սերգեյ Գրիգորյանի «Ֆազ»-ի սղանությունից, սակայն այս դահի դրությամբ որևէ կասկածյալ չկա:

Այս պահի դրությամբ, ըստ նախնական վարկածի, Սերգեյ Գրիգորյանին կյանքից զրկել են վարձու մարդասպաններ, որոնք եղել են երկու հոգի: Նրանք գտնվել են OPEL մակնիշի ավտոմեքենայի մեջ, որը, ինչպես արդեն նշել էինք, գողացված է եղել: Երեկ Սերգեյ Գրիգորյանի հոգեհանգիստն էր, իսկ սպանությունը դեռ բացահայտված չէ:

Իրավապահ համակարգում քննարկում է եղել, որ քրեական հեղինակություն Սերգեյ Գրիգորյանին՝ «Ֆազ»-ին սպանողը բավականին պատրաստված է եղել: Մասնավորապես նա Սերգեյ Գրիգորյանին՝ «Ֆազին» սպանելու է գնացել գողացված մեքենայով: Ի դեպ, Սերգեյ Գրիգորյանի գործով 2 տարի առաջ կալանավորվել էր դատավոր Արուսյակ Ալեքսանյանը:

Մասնավորապես, գրել էինք, որ ArmLur.am-ին հասած լուրերի համաձայն՝ դատավոր Ալեքսանյանը քրեական հեղինակության մասով կայացրել է այնպիսի ակտ, որով նրան ազատ էին արձակել 2,5 միլիոն գրավի դիմաց, ինչը իրավապահ համակարգում համարել էին պաշտոնական լիազորությունների չարաշահում ու դատավորը մինչ օրս կանգնած է դատարանի առաջ: Նրա սպանության գործով այս պահին բազմաթիվ վարկածներ են քննվում այդ թվում՝ «Չաղ Ռուստամի» հետ նրա հարաբերությունները:

Հիշեցնենք, որ Shamshtyan.com-ը հայտնել էր, որ հունիսի 11-ի գիշերը կրակոցներ են հնչել Աջափնյակ վարչական շրջանում, ինչի հետևանքով սպանվել է քրեական հեղինակություն Սերգեյ Գրիգորյանը՝ «Ֆազը»: Այս պահին ողջ իրա-



վապահ համակարգը ջանքեր է գործադրում սպանությունը բացահայտելու համար:

Իսկ ինչ սկանդալային պատմության մեջ էր նախկինում հայտնվել քրեական հեղինակություն Սերգեյ Գրիգորյանը՝ «Ֆազը»:

2022 թվականին Կենտրոնի դատարանում միջադեպ էր եղել, ու միջադեպի հերոսները կրիմինալ աշխարհում հայտնի Ռուստամ Ստեփանյանն էր՝ «Չաղ Ռուստամ» մականվամբ և Սերգեյ Գրիգորյանը՝ «Ֆազ» մականվամբ:

Միջադեպը տեղի էր ունեցել Կենտրոն եւ Նորք-Մարաշ շրջանների ընդհանուր իրավասության դատարանի բակում: «Ֆազի» եւ «Չաղ Ռուստամի» կողմակիցներն իրար ծեծել էին: Ծեծկռտուքին

միջամտել էին ոստիկանության աշխատակիցները, որից հետո «Ֆազը» դիմել էր փախուստի, իսկ «Չաղ Ռուստամ» ավելի ուշ ներկայացել էր ոստիկանություն:

Քրեական գործ հարուցվեց, սակայն Ռուստամին չկալանավորեցին, իսկ Սերգեյ Գրիգորյանը կալանավորվեց, որին ավելի ուշ ազատ արձակեցին:

Հետագայում պարզվել էր, որ Սերգեյ Գրիգորյանը՝ «Ֆազը», դատարանի դիմաց եղել էր այն պարզ պատճառով, որ իր հարազատ եղբոր՝ Գրիգորի Գրիգորյանի վերաբերյալ քրեական գործով դատական նիստին պետք է ներկա լիներ: Դատական նիստը նշանակված էր եղել այդ ժամին, դրա համար էլ ներկա էր գտնվել դատարանի բակում:

ՔՆՍՐ ՍՍՆՈՒԿՅԱՆ

ԼՈՒՐԵՐ

ՎՃՌԱԲԵՆԿ ԳԱՏԱՐԱՆԻ ԹԵԿՆԱԾՈՒԻ ԸՆՏՐՈՒԹՅՈՒՆ



Ազգային ժողովը շարունակում է քննարկել Վճռաբեկ դատարանի դատավորի թեկնածուի ընտրության հարցը:

ՀՀ Սահմանադրության 166-րդ հոդվածի 3-րդ մասի եւ ԱԺ Կանոնակարգ սահմանադրական օրենքի 143-րդ հոդվածի 2-րդ մասի համաձայն՝ Բարձրագույն դատական խորհուրդը Վճռաբեկ դատարանի հակակոռուպցիոն պալատի կոռուպցիոն հանցագործությունների քննության դատական կազմի դատավորի թափուր տեղում ընտրելու համար առաջադրել է Արմեն Դանիելյանի, Ռուբիկ Մխիթարյանի եւ Մանվել Շահվերդյանի թեկնածությունները:

Ներկայացված 3 թեկնածուից Ազգային ժողովը պետք է ընտրի Վճռաբեկ դատարանի հակակոռուպցիոն պալատի դատավորի թեկնածու:

ԵՐԻՏԱՍԱՐԳԻ ԳԻ Է ՀԱՅՏՆԱԲԵՐՎԵԼ

Հունիսի 13-ին մարտաֆիլմ հիշեցնող կրակոցներ են հնչել Երեւանում: Ժամը 00:30-ի սահմաններում ՀՀ Ներքին գործերի նախարարության ոստիկանության քրեական ոստիկանությունում եւ ՀՀ ՆԳՆ ոստիկանության Երեւան քաղաքի վարչությունում օպերատիվ տեղեկություններ են ստացվել, որ Նորագավիթ 1-ին փողոցում հնչել են կրակոցներ, եւ կա զոհ:

«Ժողովուրդ» օրաթերթի տեղեկություններով՝ ոստիկաններն ու պարեկները դեպքի վայրում հայտնաբերել են երիտասարդ տղայի դի, 30-ից ավելի ինքնաձիգ կրակված պարկուճներ, գնդակներ, արնաման հետքեր:

«Ժողովուրդ» օրաթերթին հասած տեղեկությունների համաձայն՝ սպանվածը Միեր Խաչատրյան է, որը ապրիլյան պատերազմի մասնակից է եղել:

Ըստ նախնական վարկածի՝ տարբեր խնդիրներ են եղել կողմերի միջեւ, ավելին՝ սպանվածն ու սպանողը ծանոթներ են եղել:

Ինչեւեւ հետեւենք քննության ընթացքին:

Ք. ՍՍՆՈՒԿՅԱՆ

ԻՆՉՆ ԷՐ ՊԱՏՃԱՌԸ

ՆԱԽԿԻՆ ԳՅՈՒՂԱՊԵՏԻ ԵՂԲՈՐՆ ԵՆ ԿՅԱՆՔԻՑ ԶՐԿԵԼ

«Ժողովուրդ» օրաթերթին հասած տեղեկությունների համաձայն՝ Արմավիրի մարզում Ամբերդ գյուղի միջնակարգ դպրոցի մոտ սղանվածը Ամբերդի նախկին գյուղապետ Մանվել Բաբայանի եղբայրն է՝ Ածուրն Բաբայանը:

Shamshtyan.com-ը գրել էր, որ հունիսի 12-ին, կրակոցներ են հնչել Արմավիրի մարզում եւ տեղի է ունեցել սպանություն: Ժամը 18:00-ի սահմաններում ՀՀ Ներքին գործերի նախարարության Ոստիկանության Արմավիրի մարզային վարչությունում եւ ոստիկանության Վաղարշապատի բաժնում օպերատիվ տեղեկություններ են ստացվել, որ Ամբերդ գյուղի միջնակարգ դպրոցի մոտ կրակոցներ են հնչել եւ կա վիրավոր:

Մինչ ոստիկանները ու պարեկները կժամանեն դեպքի վայր, «Վաղարշապատ» բժշկական կենտրոնից ոստիկանության Վաղարշապատի բաժնի ահագանգ է ստացվում, որ «հրազենային վիրավորում» ախտորոշմամբ շտապօգնության բժիշկների հերթապահ խումբը իրենց մոտ է տեղափոխել մի քաղաքացու, ով գիտակցության չգալով մահացել է:

Ոստիկանները պարզել են, որ մահացածը Ամբերդ գյուղի բնակիչ 60-ամյա Արծրունի Բ.-ն է, ով հիվանդանոց է տեղա-



փոխվել Ամբերդ գյուղի միջնակարգ դպրոցի մոտից:

Այսօր ՆԳՆ-ն հայտնեց, որ միջոցառումների արդյունքում ամբերդցի 43-ամյա տղամարդը Էջմիածին քաղաքի Անդրանիկի թաղամասում հայտնաբերվել, ձերբակալվել եւ տեղափոխվել է ոստիկանության Վաղարշապատի բաժնի, որտեղ

անցկացված բացատրական աշխատանքի շնորհիվ խոստովանել է արարքը: Ձեռնարկվում են միջոցառումներ՝ հանցագործության գործիք ինքնաձիգը հայտնաբերելու ուղղությամբ: Կազմված փաստաթղթերն ուղարկվել են Վաղարշապատի քննչական բաժնի:

Ք. ՍՍՆՈՒԿՅԱՆ

● Ըստ ոստիկանության տվյալների՝ հունիսի 12-ից 13-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 61 դեպք, որից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԱՐԶՊԵՏԻ ԱՆՇԵԹԵԹ ՊԱՏԱՍԽԱՆԸ

Տավուշի մարզպետ Յայկ Ղալումյանին տեղեկատվական հարցում ենք արել՝ նրան հարցնելով. «Ուսուցիչների կամավոր ատեստավորման գործընթացը սկսվելուց հետո՝ մինչև այժմ, Տավուշի մարզի հանրակրթական դպրոցների քանի՞ ուսուցիչ է մասնակցել դրան, նրանցից քանիսը ինչ արդյունքներ են ունեցել: Այս հարցի պատասխանն ունենալու համար Ձեր ենթակա հանրակրթական դպրոցների տնօրեններից ինչո՞ւ չէք պահանջել ատեստավորմանը մասնակցած ուսուցիչների թվերը, դա Ձեզ պետք չէ՞»: Մարզպետ Ղալումյանը նախկինում այս հարցին պատասխանել էր, թե կամավոր ատեստավորման մասնակիցների ընդհանուր թիվը մարզպետարանում չգիտեն, քանի որ դա կամավոր գործընթաց է: Հունիսի 10-ին մարզպետարանից ստացված պատասխանում նշված է. «Տավուշի մարզպետի աշխատակազմին անհրաժեշտ է անկա տեղեկատվության համաձայն՝ Տավուշի մարզի հանրակրթական ուսումնական հաստատություններից կամավոր ատեստավորմանը մասնակցել են 170 ուսուցիչ: Նրանցից 50-ն արձանագրել է 60-70%, 120-ը՝ 70-100% արդյունք»: Բրավո, ուրեմն, ըստ Տավուշի մարզպետարանի տվյալների՝ Տավուշի մարզում կամավոր ատեստավորմանը մասնակցել է ընդամենը 170 ուսուցիչ, բոլորն էլ 60-100 տոկոսանոց արդյունք են ունեցել: Բարձրագույն կրթություն չունեցող 55 ուսուցիչ ազատել են Տավուշի հանրակրթական դպրոցներից, նրանց մի մասը, աշխատանքը չկորցնելու համար, մասնակցել է կամավոր ատեստավորմանը, սակայն դրական արդյունք չի ունեցել: 170-ը ատեստավորումից դրական արդյունք ցուցաբերած ուսուցիչների թիվն է, իսկ ատեստավորմանը մասնակցածների ընդհանուր թիվը շատ անգամ ավելի է: Կարծում ենք, որ մարզպետ Յայկ Ղալումյանը լավ գիտի կամավոր ատեստացիային մասնակցած մարզի հանրակրթական դպրոցների ուսուցիչների ընդհանուր թիվը, եւ այն ուսուցիչների քանակը, որոնք ատեստացիայից բացասական արդյունքներ են ունեցել, քանի որ ատեստացիայի «խուճուճ» թեստերից «կտրված» ուսուցիչների քանակը շատ մեծ է, ատեստացիայի գործընթացը՝ ձախողված, ուստի Յայկ Ղալումյանը միայն ատեստացիայից դրական արդյունքներ ունեցողների թվերն է հայտնել: Մարզպետը մեզ անհերթելի պատասխան է ուղարկել:

«ՀԶՈՐ» ԱԶԱԿՑՈՒԹՅՈՒՆԸ՝ ՓԱՇԻՆՅԱՆԻՆ

Նիկոլ Փաշինյանի դասընկեր, նրա հարսանիքի քակոր, Ն. Փաշինյանի որդեմանը 2021թ. ապրիլի 8-ին Տավուշի մարզպետ դարձած Յայկ Ղալումյանը մայիսի 9-ին ֆեյսբուքյան իր էջում տեղադրել է այս գրառումը. «Մեր պատասխանը՝ Բագրատին: ՀՀ ընտրված վարչապետ Նիկոլ Փաշինյան: Կեցցե՛ք, ժողովրդավար ու ինքնիշխան Հայաստանի Հանրապետությունը: ՀՀ Տավուշի մարզպետ Յայկ Ղալումյան»:

Գրվածում «ժողովրդավար ու ինքնիշխան Հայաստանի Հանրապետությունը» անհաջող կատակ է նման:

ՈՍԿԱՆ ՄԱՐԶՅԱՆ
Տավուշ

ՄՏԱՅՈՒԹՅՈՒՆՆԵՐ

ԱՅՑ՝ ԲԺՇԿԱԿԱՆ ՀԱՍՏԱՏՈՒԹՅՈՒՆՆԵՐ

Ինչպես ավելի վաղ տեղեկացրել ենք, Մարդու իրավունքների դաշտում եւ աշխատակազմի ներկայացուցիչները հունիսի 12-ին այցել են իրականացրել ուսիկանության բաժիններ եւ բժշկական հաստատություններ, հանդիպել բուժօգնություն ստացող հավաքի մասնակիցներին եւ մասնակցության ծառայողներին:



Առանձնազորայնների ընթացքում ինչպես հավաքի մասնակիցները, այնպես էլ ուսիկանության ծառայողները պաշտպանին են ներկայացրել խիստ մտահոգիչ տեղեկություններ: Մասնավորապես, հավաքի որոշ մասնակիցներ նշել են, որ իրենց նկատմամբ Ոստիկանության ծառայողների կողմից անհամաչափ ուժ է կիրառվել այն պայմաններում, երբ իրենք արդեն իսկ գտնվել են Ոստիկանության ծառայողների հսկողության ներքո: Ըստ ներկայացված պնդումների՝ նշված բռնի գործողությունները կրել են շարունակական բնույթ, պայմանավորված չէն եղել անձանց բերման ենթարկելու անհրաժեշտությամբ, ինչպես նաեւ ուղեկցվել են ոստիկանության ծառայողների կողմից անձանց հասցեին հնչեցվող վիրավորանքներով: Պաշտպանը նշված հանգամանքը անթույլատրելի եւ դատապարտելի է համարում:

Պաշտպանն իր մտահոգությունն է հայտնում նաեւ այն փաստի կապակցությամբ, որ այս իրադարձությունների ընթացքում վնասվածքներ են ստացել իրենց մասնագիտական գործունեությունն իրականացնող զանգվածային լրատվության միջոցների ներկայացուցիչներ: Մարդու իրավունքների պաշտպանը բազմիցս է ընդգծել զանգվածային լրատվության միջոցների առանցքային դերակատարությունը ժողովրդավարական հասարակությունում, պահանջել է նրանց անխցընդող մասնագիտական գործունեության անհրաժեշտ երաշխիքների ապահովում: Առանցքային է վերը նշված գործերով պատշաճ քննության իրականացումը:

Միեւնույն ժամանակ, հավաքի կազմակերպիչները են մասնակիցները, իրենց հերթին, պետք է ցուցաբերեն զսպվածություն, պահպանեն հավաքի խաղաղ բնույթը եւ զերծ մնան իրավիճակի սրման ցանկացած փորձից:

Արձանագրված բոլոր դեպքերը ներկայում ամփոփվում են պաշտպանի աշխատակազմում եւ քննության առարկա դարձնելու նպատակով կներկայացվեն ՀՀ գլխավոր դատախազություն:

ԷՄՍԱ ՄԱՐՏԻՈՍՅԱՆ

ԶԵԿՈՒՑՈՒՆԵՐ ԵՎ ՓՈՐՉԱՐԱՐԱԿԱՆ ՄԱՍ

ԳԻՏԱԿԱՆ ՀԱՄԱԺՈՂՈՎ ԿԱՆՑԿԱՑՎԻ

Հունիսի 18-21-ը երեւանում, Աստաղիում եւ Մեծամորում կանցկացվի «Ժամանակակից ֆիզիկա. հանրամասչելիացման եւ ուսուցման հիմնախնդիրներ ու լուծումներ» խորագիրը կրող համաժողովը:

Այստեղ բացի զեկուցումներից նախատեսված է նաեւ փորձարարական մաս: Հունիսի 20-ին աշխատանքները կշարունակվեն Մեծամորում տեղակայված Հայաստանի առումային էլեկտրակայանում: Համաժողովի մասնակիցների համար առումակայանի մասնագետների կողմից կներկայացվեն զեկուցումներ առումային եւ միջուկային ֆիզիկայի վերաբերյալ: Մեծամորի առումակայանի աշխատանքային ողջ ցիկլը կուղեկցվի էքսկուրսիաներով եւ ցուցադրումներով:

Աշխատանքային օրը կավարտվի առումակայանի ղեկավարության հետ հանդիպմամբ:

Գիտաժողովի վերջին օրը՝ հունիսի 21-ին, աշխատանքները կիրականացվեն Երեւանում Հայաստանի Հանրապետության ԳԱԱ Ֆիզիկական պրոբլեմների ինստիտուտում:

Զեկուցումները կվերաբերեն քվանտային ֆիզիկային ու ավագ դպրոցում վերջինիս հիմունքների դասավանդմանը: Համաժողովի մասնակիցները կլինեն ինստիտուտի լաբորատորիաներում, հնարավորության սահմաններում ըստ նախասիրության կծանոթանան փորձարարական տեղակայանքներին: Ինստիտուտի տնօրեն Վ. Քոչարյանը ֆիզիկայի ուսուցիչներին կծանոթացնի ինստիտուտի պատմությանն ու ձեռքբերումներին:

4-օրյա աշխատանքների արդյունքների ամփոփումից հետո մասնակիցներին կշնորհվեն հավաստագրեր:

Մասնակիցների տեղափոխումը Աշտարակ եւ Մեծամոր իրականացվում է ՀՀ ԳԱԱ նախագահության շենքի մոտից՝ կենտրոնացված ձեռով: Մասնակիցների սնունդը աշխատանքային բոլոր օրերին կազմակերպվում է տեղում:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 8 պատահար. 16 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՊԱՇՏՈՆԱՊԵՏ

ՀՀ-Ն ՄԻԱՑՄԱՎ ԵՄՄԱ-Ի ԱՐՏԵՄԻՍ ՀԱՄԱՉԱՅՆԱԳՐԻՆ



Արտեմիսի համաձայնագիրը ստորագրվել է հունիսի 12-ին Վաշինգտոնում...

Բացման խոսքում ՆԱՍՍ-ի ղեկավար Բիլ Նելսոնը շեղումներ ուղղում է Արտեմիսի համաձայնագրին...

Նախարար Յայրապետյանը, ընդգծելով ՀՀ-ի և Միացյալ Նահանգների երկարամյա գործընկերությունը...

«Բարդ ժամանակները մեզ ստիպում են փնտրել նոր հնարավորություններ, գտնել նորարար լուծումներ...»

ՀԱՅՏԱՐԱՎՐՈՒԹՅՈՒՆՆԵՐ

1) ՀՐԱՊՈՐՏԱԿԱՆ ԾԱՆՈԹՅԱՆ ՓՈՓՈԽՈՒԹՅՈՒՆ
Կազմակերպիչ «Ֆլորես Անուրի տուն» ՍՊԸ-ի կողմից...

2) ՀՐԱՊՈՐՏԱԿԱՆ ԾԱՆՈԹՅԱՆ ՓՈՓՈԽՈՒԹՅՈՒՆ
Կազմակերպիչ «Բի Ես Թի» ՍՊԸ-ի կողմից...

ԲԱՑ ՆԱՍՍԿ «ՖԼԱՅ ԱՐՆԱ»-Ի ԱՇԽԱՏԱԿԻՑՆԵՐԻՑ

ՉԻ ՎՃԱՐԵԼ ԱՇԽԱՏԱՎԱՐՁԵՐԸ

Ավիաընկերության աշխատակիցների կողմից գրված բաց նամակում մասնավորապես ասված է. «Ֆլայ Արնա ավիաընկերությունը իր գործունեության կարճ ժամանակահատվածի ընթացքում...



Ս.թ. հունվարի 16-ին ավիաընկերությունն իրականացրեց վերջին չվերթը, իսկ ս.թ. մարտի 19-ին ավիաընկերության աշխատակիցները ծանուցում ստացան...

թյունների պետական ֆոնդ» ՓԲԸ-ին (ԱՆԻՖ) և «Էյր Արաբիա» ԲԲԸ-ին որպես «Ֆլայ Արնա» ավիաընկերությունը կառավարող ընկերություն:

Մանրամասները՝ ստորև: Մայիս ամսվա ընթացքում աշխատակիցները 3 անգամ այցելել են ԱՆԻՖ՝ հանդիպումներ ունենալով ընկերության ժամանակավոր պաշտոնակատար Տիգրան Ղազարյանի հետ:

Մայիս ամսվա ընթացքում աշխատակիցները այցելել են ՀՀ էկոնոմիկայի նախարարություն՝ հանդիպում ունենցել փոխնախարար Նարեկ Տերյանի հետ, ով խոստացավ նույն օրվա ընթացքում հաղորդել խնդրի շուրջ զարգացումների վերաբերյալ:

Աշխատակիցները նամակներով դիմել են «Ֆլայ Արնա» ավիաընկերության կառավարող ընկերություն «Էյր Արաբիայի» ղեկավար մարմիններին: Պատասխան նամակներում «Էյր Արաբիա» ավիաընկերության ներ-

կայացուցիչները առաջարկել են դիմել ԱՆԻՖ, քանի որ իրենք այլևս չունեն իրավասություն՝ հանդես գալու «Ֆլայ Արնա» ավիաընկերության անունից: Մյուս նամակում «Էյր Արաբիա» ավիաընկերության ներկայացուցիչը հայտնում է, որ ԱՆԻՖ-ը շարունակաբար լուծում է գտնում եւ համաձայնություն չի տալիս ընկերության լուծարման առաջարկվող սխեմային:

Ս.թ. հունիսի 03-ին ավիաընկերության աշխատակիցները նամակով դիմել են ՀՀ Վարչապետ Ն. Փաշինյանին, սակայն նամակը վերահասցեավորվել է «Պետական գույքի կառավարման կոմիտե»-ին և մինչ օրս չկա պատասխան:

Այսպիսով, յուրաքանչյուր կողմը հանդես է գալիս իր պատճառաբանություններով՝ նշելով, որ հարցի լուծումը կախված է մյուս կողմից: Արդյունքում, ավելի քան 80 աշխատակիցների ընտանիքներ այս պահին գտնվում են ֆինանսական ճգնաժամային իրավիճակում՝ ունենալով բազմաթիվ բանկային պարտավորություններ:

ԱՆՆԱ ՄՐԱՊԻՈՒՆԱՆ

ՖԻՆԱՆՍԱԿԱՆ

ԳՆԱՃՔ ՏԱՐԵՎԵՐՁԻՆ՝ ԵՐ ԿԱՆԽԱՏԵՄԱՐԲ

Հայաստանի կենտրոնական բանկը կանխատեսում է, որ 2024-ի վերջին գնաճը կլինի 1.5-1.7 տոկոսի միջակայքում:

Այս մասին ասաց Կենտրոնական բանկի նախագահ Մարտին Գալստյանը խորհրդարանում ԿԲ-ի գործունեության վերաբերյալ տարեկան հաղորդման ներկայացմանը:

«2024 թվականի անցած 5 ամիսների ընթացքում Հայաստանում ցածր գնաճային միջավայրը պահպանվել է: 2024-ի մայիսին 12-ամսյա գնաճը կազմել է 0.3 տոկոս, ինչը զգալիորեն ցածր է մեր միջնաժամկետ նպատակային ցուցանիշից», - ասաց ԿԲ նախագահը:

Գալստյանը դա հիմնականում պայմանավորեց արտաքին հատվածից փոխանցվող գնանկումային ազդեցություններով: Ներմուծված պարենային ապրանքները գները նվազել են:

12-ամսյա բնականոն գնաճը դեռևս գտնվում է բացասական տիրույթում:

Նվազել է արտաքին պահանջարկի հետ կապ ունեցող ծառայությունների գնաճը՝ արտահայտելով արտաքին պահանջարկի աճի դանդաղման միտումները: Մինչդեռ արտագնա զբոսաշրջության հետ կապված ծառայությունների, այդ թվում՝ օդային տրանսպորտի և միջազգային հանգստի կազմակերպման ծառայությունների գնաճը շարունակում է պահպանվել բարձր մակարդակում:

«Դրամավարկային քաղաքականության ծրագրում ներկայացվող սցենարների համաձայն՝ 2024-ի կարճաժամկետ հորիզոնում գնաճը կպահպանվի նպատակային ցուցանիշից ցածր մակարդակում: Տարեվերջին գնաճը կլինի 1.5-1.7 տոկոսի միջակայքում», - ասաց ԿԲ նախագահը:

2023-Ի ՀՈՒՆՎԱՐ-ԳԵԿՏԵՄԲԵՐ ԱՄԻՄՆԵՐԻ ՀՆԱՆ

Էկոնոմիկայի նախարար Գեորգ Պապոյանն ԱԺ-ում արտահերթ ելույթում նշել է, որ Կառավարության տնտեսական քաղաքականության առանցքային

նպատակն է մրցունակ ու բարձր արտադրողականություն ունեցող տնտեսության ձեւավորումը, որը կնպաստի ինքնիշխան ու դիմակայուն պետության շարունակական առաջընթացին: Այս համատեքստում կարեւորվել է մարդկային ռեսուրսների բարգաճման համար անհրաժեշտ եւ բավարար տնտեսական, առողջապահական, կրթական անվտանգային պայմանների ապահովումը:

Ըստ նախարարի՝ 2023 թվականի հունվար-դեկտեմբեր ամիսներին ՀՆԱ-ն կազմել է ավելի քան 9,5 տրիլիոն ՀՀ դրամ՝ աճելով 7,5 տոկոս: ՀՆԱ-ի աճին նպաստել են տնտեսության մի շարք ճյուղերում գրանցված ավելացված արժեքների աճերը: Տնտեսական աճի միտումը շարունակվել է նաև 2024 թվականի առաջին եռամսյակում՝ կազմելով 9,2 տոկոս: Արժույթի միջազգային հիմնադրամի տվյալների համաձայն՝ ՀՆԱ-ի աճի ցուցանիշով 2023 թվականին Հայաստանը 191 երկրների շարքում զբաղեցրել է չորրորդ տեղը: Նախարարության ֆինանսական կատարողականը հաշվետու տարում կազմել է 95,9 տոկոս:

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ԲԱԿՈՒՆՑ 125

ՄԵՐ ԱՐՉԱԿԻ ԱՐԺԱՆԱՊԱՏՎՈՒԹՅՈՒՆԸ

Մեծանուն գրող, անվանի արձակագիր Ալսեյ Բակունցի ծննդյան 125-ամյակի առթիվ մի խումբ գրողներ, մշակույթի ոլորտի ներկայացուցիչներ հունիսի 13-ին ծաղիկներ խոնարհեցին գրողի հուշակոթողի մոտ, որը տեղադրված է Երևանում՝ այն սան առաջ, որտեղ 1927 թվականից մինչև 1936 թվականը ապրել էր և ստեղծագործել է Ալսեյ Բակունցը:



Հայաստանի գրողների միության քարտուղար Նորել Գասպարյանն ասաց՝ շատ կարեւոր է, երբ այսօրվա գրողը զգում է, թե ինչպես են սիրում Բակունցին: «Արձակի վերաբերյալ իմ սկզբունքները, մոտեցումները փոխվեցին Թումանյանի «Գիքորը», Չարենցի «Երկիր Նաիրի» եւ Բակունցի «Ալպիական մանուշակ» ստեղծագործությունների շնորհիվ: Առանց երկմտելու կարող եմ ասել, որ Բակունցը մեր գրականության, մեր արձակի գրական արժանապատվությունն է խորհրդանշում: Ավաղ, այսօր էլ «զունավոր բզեզին մանուշակը ճոճք է թվում, իսկ աշխարհը՝ ծիրանագույն բուրաստան»,- շեշտեց Գասպարյանը:

Եղիշե Չարենցի անվան գրականության եւ արվեստի թանգարանի գրական բաժնի ավագ գիտաշխատող, բանաստեղծ, արձակագիր Գոհար Գալստյանն էլ նշեց, որ առավել անհավանական հարթակում հրապարակել է Ալսեյ Բակունցի «Աղոթք»-ը, որը Բակունցը գրել է 1917-1918 թվականներին Արդահանի կոչիվերին՝ Սարգսյանի ճակատամարտի մասնակցելուց հետո: «Այդ աղոթքն այսօր էլ թող մեզ պահպանի լինի, որովհետեւ ամեն ինչ մաշվի վրա զգացած, ապրած, իր հայրենիքը, հողը զգացող անհատականության, մեծի խոսքը բացառիկ է: Պատահական չէ, որ Բակունցը նաեւ անցել է հոգեւոր դպրոց՝ սովորելով Գեորգյան ճեմարանում, հետագայում Թիֆլիսում տեխնիկական գիտություններ է ուսումնասիրել, Խարկովի գյուղատնտեսական ինստիտուտն է ավարտել, դասավանդել է դպրոցում: Նա բոլոր առումներով կյանքը շոշափել է, իսկ նրա պոետական ոգին բացառիկ էր: Բակունցի «Ալպիական մանուշակ»-ը, «Խոնարհ աղջիկ»-ը, «Ծիրանի փողը», «Մթնաձոր»-ը դիպել են բոլորիս հոգուն եւ մշտապես լինելու են մեր գրականության գանձարանի գոհարները», - շեշտեց Գալստյանը:

Նա կարծում է՝ գրողի 125-ամյակը առիթ է բացելու ու վերընթացելու նրա

ստեղծագործությունները: «Բակունցի գործերը բեմադրվում են, նկարահանվում են, վերաբծարծվում է գրական տեքստը, բայց վերընթացում ու խոսքը շատ կարեւոր են մեր օրերում: Լիազույս եմ, որ մեր ներսում Բակունցը պետք է խոսի իր աղոթքով ու չքնադ գրականությանը», - եզրափակեց Գալստյանը:

Բանաստեղծ, թարգմանիչ Շանթ Մկրտչյանն Ալսեյ Բակունցին համարում է 20-րդ դարի հարուստ գրական ժառանգության թողած գրող, հզոր հեղինակ: Ըստ Մկրտչյանի, եթե Բակունց երեւույթը չլիներ, նրանից հետո չէին լինի բազմաթիվ հրաշալի գրողներ: «Մենք շատ ենք խոսում Ֆոլքների մասին, բայց այդ նույն աշխարհի խորքերը Գորիսում բացեց Բակունցը: Նրա «Պրովինցիայի մայրամուտ»-ը հիշեց: Բակունցն իր մտածողությամբ ներկա է այսօրվա գրականության մեջ: Նա մեր թանկն է, մեր մեծն է, որին պետք է ըստ արժանվույն գնահատենք», - շեշտեց գրողը:

Նրա խոսքով՝ Բակունցը 1937 թվականին գնդակահարվեց, սակայն նման թվականներ անընդհատ լինում են, եւ

ժողովուրդը պետք է փրկի իր գավակներին:

Ալսեյ Բակունցի 125-ամյակը կնշանակվորվի բազմաթիվ այլ միջոցառումներով: մեկնարկը տրվեց հունիսի 13-ին Ե. Չարենցի անվան գրականության եւ արվեստի թանգարանի «Ալսեյ Բակունցի տուն-թանգարան» մասնաճյուղում:

Հրեյանական օրվա շրջանակում կայացավ հանդիպում հրապարակախոս Հակոբ Այնթապյանի հետ:

Միջոցառման շրջանակում տեղի կունենան Arloopa հավելվածով Ասլամազյանի «Բակունցի եւ մոր դիմանկարի» անիմացիայի եւ «Սյունյաց երկիր» թերթի՝ Ալսեյ Բակունցին նվիրված հատուկ համարի շնորհանդեսները: Թատերական ներկայացումներով հանդես կգան Գորիսի Վ. Վաղարշյանի անվան պետական դրամատիկական թատրոնի դերասանները, տեղի կունենա համերգային ծրագիր: Միջոցառումները կուղեկցվեն հյուրերի հետ գրույց-քննարկումներով, երեխաների համար խեցեգործության, նկարչության վարպետության դասերով:

ՀՈՒՒ ԲԱՂՂԱՍՏԱՐՅԱՆ

ՄԱՐԶԱԿԱՆ

ՀԱՄԱԳՈՐԾՄԱԿՑՈՒԹՅՈՒՆ՝ ՄՊՈՐՏԻ ՈՒՈՐՏՈՒՄ

Հայաստանի Հանրապետության կրթության, գիտության, մշակույթի եւ սպորտի նախարարի տեղակալ Կարեն Գիլոյանն այսօր ընդունել է ՀՀ-ում Ղազախստանի արտակարգ եւ լիազոր դեսպան Բուլատ Իմանբաեւին:

Հանդիպման ընթացքում քննարկվել են սպորտի ոլորտում Հայաստանի եւ Ղազախստանի միջեւ համագործակցության խորացմանն ու զարգացմանը վերաբերող հարցեր:

Կողմերը կարելի էր փոխգործակցության հեռանկարները հատկապես այս տարվա ապրիլին ստորագրված 2024-2026 թվականների համագործակցության ծրագրի շրջանակում:

Ողջունելով հյուրերին՝ ԿԳՄՍ նախարարի տեղակալ Կարեն Գիլոյանն ընդգծել է Հայաստանի եւ Ղազախստանի միջեւ ձեւավորված բարեկամական ամուր կապերն ու համոզմունք հայտնել՝ սպորտի ոլորտում համագործակցության խորացումն անպայմանորեն նպաստելու է միջպետական կապերի ամրապնդմանը:

ԿԳՄՍ նախարարի տեղակալը նաեւ շնորհակալություն է հայտնել ղազախական կողմին Հայաստանում մայիսի 24-26-ն անցկացված ԱՊՀ երկրների ֆիզիկական կուլտուրայի եւ սպորտի համաժողովին ակտիվ մասնակցության համար:

Հանդիպման ընթացքում կողմերը քննարկել են նաեւ երկուստեք անցկացվող միջազգային մրցաշարերին մասնակցության պահանջմանը, համատեղ ուսումնամարզական հավաքների կազմակերպմանն ու փորձի փոխանակմանը վերաբերող այլ հարցեր:

17-ԱՄՅԱ ԷՄԻՆ ՕՐԱՆՅԱՆԸ՝ ԱՆԽԱՐՀԻ Մ-20 ՓՈԽՉԵՄՊԻՈՆ

17-ամյա էմին Օհանյանը նվաճեց շախմատի աշխարհի մինչեւ 20 տարեկանների առաջնության արծաթ մեդալը: Վերջին տուրում Հայաստանի ներկայացուցիչը հաղթեց ֆիլիպինցի Դանիել Քուիզոնին եւ 11 հնարավորից վաստակեց 8,5 միավոր: Նույնքան միավոր վաստակեց չեմպիոնի կոչումը նվաճած ղազախ Նոգաբեկ Կազիբեկը: Նա վերջին տուրում հաղթեց Մաֆիկոն Դարիբայանին, որը 8 միավորով գրավեց չորրորդ տեղը:

Հայաստանի ներկայացուցիչ Մարիամ Մկրտչյանը նվաճել էր մինչեւ 20 տարեկան աղջիկների առաջնության փոխչեմպիոնի կոչումը:

Վերջին տուրում Մարիամ Մկրտչյանը պարտության էր մատնել հնդիկ Ռափի Ռակշիտային եւ վաստակել 9,5 միավոր: Չեմպիոնի կոչումը նվաճել է հնդիկ Դիվյա Դեշմուխը, որը 11 հնարավորից վաստակել է 10 միավոր:

Մարիամ Մկրտչյանը ոչ մի պարտություն չկրեց այս առաջնությունում՝ 8 հաղթանակ, 3 ոչ ոքի:

ՌՈՐԵՐՏ ԱՄԻՐԻԱՆՆՅԱՆ 85

ՀՈՐԵԼՅԱՆԱԿԱՆ ՀԱՄԵՐՔՆԵՐ

ՀՀ ԿԳՄՍ նախարարության ենթակայության Կամերային երաժշտության ազգային կենտրոնը Կոմիտասի անվան կամերային երաժշտության սանն իրականացրել է «Տարիների մեղեդիներ» խորագրով համերգ՝ նվիրված Ռոբերտ Ամիրխանյանի ծննդյան 85-ամյակին: Համերգի ընթացքում հնչել են սիրված կոմպոզիտորի ինչ-ոչես հայտնի, այնուհետ էլ նոր ստեղծագործությունները:

Համերգին էլույթ են ունեցել Հայաստանի պետական կամերային երգչախումբի

մենակատարներ Լուսինե Վարդանյանը, Էռա Հովսեփյանը, Նաիրա Հովհաննիսյանը, Անահիտ Հովհաննիսյանը, Սոֆյա Սայադյանը, Լուսինե Օրդուխանյանը, Արամ Ավետիսյանը, Վարդան Բաղդասյանը, Մավրիկ Մկրտչյանը: Գեղարվեստական ղեկավար եւ զլխավոր դիրիժորն էր ՀՀ ժողովրդական արտիստ Ռոբերտ Մլքեյանը:

Ծրագրում ներառված էին կոմպոզիտորի «Ներիր ինձ, ես քեզ ցավ եմ պատճառել», «Կարոտ», «Փարիզյան տանգո», «Ինձ համար դու շող գարուն», «Երկու կունկ», «Քո աչքերի խավա-

րում», «Արեւոտ անձրեւ», «Քեզ հետ, իմ սեր», «Անանձնություն», «Ես մուկիկ եմ պուլ-պուլ», «Երգն էլ ունի հոգի», «Ինչ որ մի լույս ցուլցաց», «Հայի աչքեր», «Ես վախենում եմ սեր բառը ասել», «Տղամարդիք», «Երեւան» (դուետ), «Գնաս բարով», «Իմ կարոտ եւ երկիր իմ» ստեղծագործությունները:

Նշենք, որ Ռոբերտ Ամիրխանյանի ծննդյան 85-ամյակին նվիրված «Տարիների մեղեդիներ» խորագրով երկրորդ համերգը տեղի ունեցավ հունիսի 13-ին Կոմիտասի անվան կամերային երաժշտության տանը:

● Հունիսի 15-ին՝ ժամը 19:30-ին, Համազգային պետական թատրոնում տեղի կունենա Օ. Հենրիի «...Եվ նորից գարուն» ներկայացումը: Տոմսերի արժեքը՝ 2000-3.500 դրամ:



Էջը՝ ԱԼՎԱՐԴ ԿՈՇԿԱԿԱՐՅԱՆԻ

ՏՆՏԵՍԱԿԱՆ

ՀԱՐՑ. Ինչպե՞ս ընդգրկվել որակավորված ներքին աուդիտորների ցանկում:
Հարույթ Ստեփանյան (46 տարեկան)



ՊԱՏԱՍԽԱՆ. «Ներքին աուդիտի մասին» ՀՀ օրենքի 13-րդ հոդվածի 4-րդ մասի 5-րդ կետով նախատեսված ցանկում ընդգրկվելու նպատակով ՀՀ ֆինանսների նախարարություն կարող են դիմում ներկայացնել այն անձինք, որոնք ունեն Հայաստանի Հանրապետությունում ներքին աուդիտի ոլորտում ընդունելի միջազգայնորեն ճանաչված հետեյալ որակավորումներից առնվազն մեկը՝

1) ներքին աուդիտորների միջազգային ինստիտուտի կողմից իր կրթական ստանդարտներին համապատասխան անցկացված քննությունների արդյունքում տրված ներքին աուդիտորի որակավորումը (Certified Internal Audit- CIA) կամ հանրային հատվածի աուդիտորի որակավորումը (Certified Government Auditing Professional - CGAP),

2) որակավորված երդվյալ հաշվապահների ասոցիացիայի (ACCA) կողմից անցկացված առնվազն բազային (ֆունդամենտալ) 9 քննության (F1-F9) արդյունքում տրված հաշվապահ-աուդիտորի որակավորումը,

3) հանրային ֆինանսների եւ հաշվապահության արտոնագրված ինստիտուտի (Chartered Institute of Public Finance Accountancy: CIPFA) կողմից տրված որակավորումը,

4) որակավորված հանրային հաշվապահների ամերիկյան ինստիտուտի (American Institute of Certified Public Accountants) կողմից տրված հանրային հաշվապահի որակավորումը (CPA):

Հայաստանի Հանրապետությունում ներքին աուդիտի ոլորտում ընդունելի այլ կառույցների կողմից տրված հետեյալ որակավորումներից առնվազն մեկը՝

1) «Աուդիտորական գործունեության մասին» Հայաստանի Հանրապետության օրենքի համաձայն տրված աուդիտորի որակավորումը,

2) Հայաստանի Հանրապետության հաշվապահների եւ աուդիտորների ասոցիացիայի (ՀՀԱԱ) կողմից տրված աուդիտորի որակավորումը:

ՀՀ ֆինանսների նախարարություն

«ԺՈՂՎՈՒՐԳ». Նշենք, որ դիմումին կից պետք է ներկայացնել՝

- անձնագրի պատճենը,
- համապատասխան որակավորումը հավաստող փաստաթղթի պատճենը,
- հայտարարություն:

ՖԻՆԱՆՍՆԵՐ

ՀԱՐՑ. Ի՞նչ է Կենտրոնական բանկի անկախությունը, եւ ինչպե՞ս է այն չափվում:
Աշոտ Գեորգյան (29 տարեկան)



ՊԱՏԱՍԽԱՆ. Գների կայունության ապահովման համար ինստիտուցիոնալ կարեւոր նախապայման է ԿԲ-ների անկախությունը: Ուսումնասիրությունները վկայում են, որ ԿԲ-ների անկախությունը (գործառնական) նպաստում է իրականացվող դրամավարկային քաղաքականության վարկունակությանը՝ մեծացնելով շուկայի արձագանքը ԿԲ ազդակներին: Էմպիրիկ վերլուծությունները բացահայտել են ԿԲ-ի անկախության եւ ցածր գնաճի միջեւ ուղղակի կապ:

ՀՀ կենտրոնական բանկ

«ԺՈՂՎՈՒՐԳ». Դրամավարկային քաղաքականության իրականացման առումով տարբերակում են ԿԲ-ի անկախության երեք աստիճան՝

- նպատակի սահմանման,
- նպատակային ցուցանիշի սահմանման,
- գործառնական:

ԼՈՒՐ ԿԱԴՐ

Լուսանկարը՝ համացանցից



Մեկնարկել է «Բնցքամարտի Երեան քաղաքի բաց առաջնություն» միջազգային մրցաշարը: Երեանի քաղաքապետարանից տեղեկացնում են, որ մրցումներին մասնակցում են Բուլղարիայի, Իրանի, Լատվիայի, Հունգարիայի, Մոլդովայի, Ռուսաստանի, Վրաստանի եւ Հայաստանի շուրջ 150 մարզիկ:

ԲԱԺՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետեյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+8 + 10 +22 + 26	☀	Արարատ	+16 + 18 +31 + 33
☀	Կոտայքի լեռներ	+8 + 12 +21 + 24	☀	Արմավիր	+16 + 18 +31 + 33
☀	Կոտայքի նախալեռներ	+15 + 17 +28 + 30	☀	Վայոց ձորի լեռներ	+8 + 11 +22 + 24
☀	Գեղարքունիք	+10 + 13 +21 + 24	☀	Վայոց ձորի նախալեռներ	+16 + 18 +31 + 33
☀	Լոռի	+9 + 13 +24 + 27	☀	Սյունիքի հովիտներ	+18 + 22 +29 + 32
☀	Տավուշ	+15 + 17 +28 + 31	☀	Սյունիքի նախալեռներ	+13 + 15 +25 + 28
☀	Արագածոտնի լեռներ	+9 + 13 +21 + 24	☀	ԼՂՀ	+13 + 14 +25 + 26
☀	Արագածոտնի նախալեռներ	+15 + 18 +28 + 31	☀	Երեան	+19 + 21 +23 + 25

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեան, Աբովյան 22^ա/3, հեռ.՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 13.6.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
 խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: